

Image not found or type unknown

საია მოუწოდებს შსს-ს უზრუნველყოს გარემოს დაცვისა და სოფლის მეურნეობის სამინისტროსთან მშვიდობიან საპროტესტო აქციაზე მყოფი პირების შეკრების თავისუფლება

ფოტო : [მაუნყებელი](#)

□ოგორც საზოგადოებისთვის ცნობილია, რაჭის მოსახლეობა, მათი მხარდამჭერები და მოძრაობა □□□□□□ ხეობის გადარჩენისთვის □ დავით ხიდაშელისთვის რაჭა-ლეჩხუმისა და ქვემო სვანეთის რეგიონში 97 000 ჰექტარ ტყეზე 49-წლიანი ლიცენციის სრულად გაუქმებას [მოითხოვს](#). 2023 წლის 27 სექტემბრიდან მათ ონში, მერიის წინ, კარავი [გამაღეს](#). □ოგორც აქციის ორგანიზატორების პოზიციიდან ირკვევა, დაახლოებით 2 თვის უშედეგო პროტესტის შემდეგ, მათ გადაწყვიტეს, იგივე კარავი თბილისში, გარემოს დაცვისა და სოფლის მეურნეობის სამინისტროს (შემდეგში □□□□□□□□ □□□ შენობის წინ, გადმოეტანათ და უკვე აღმასრულებელი ხელისუფლების შესაბამისი ორგანოს წინ განეგრძოთ საპროტესტო აქცია რაჭის ტყეების გასხვისების ლიცენზიის გაუქმების მოთხოვნით. □შ აქციამ თბილისში დღეს, 18 ნოემბერს, გადაინაცვლა, კერძოდ, ამჟამად. □ამინისტროსთან ასეულობით ადამიანი [შეკრებილი](#).

□ოგორც საჯაროდ გავრცელებული წყაროებიდან ირკვევა, სამინისტროსთან ვითარება რამდენჯერმე დაიძაბა, რაც გამოიხატა შემდეგ ფაქტებში: აქციის მონაწილეებმა ვერ შეძლეს სამინისტროს მთავარი შესასვლელიდან ეზოში შესვლა. ეზოში შესვლის მიზანს კარვის გაშლა და მშვიდობიანი აქციის გამართვა წარმოადგენდა, ხოლო, პოლიციის მიერ აღნიშნულზე წინააღმდეგობის განწევის შემდეგ, პროტესტის მონაწილეებმა სამინისტროს ღობესთან გადაწყვიტეს კარვის გაშლა. □უმცა, ამავე პერიოდში, შინაგან საქმეთა

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



სამინისტრომ აქციის მონაწილეების ადმინისტრაციული წესით [დაკავება](#) დაიწყო. ქერძოდ, ქინაგან საქმეთა სამინისტროს ბოლო ინფორმაციით, საქართველოს ადმინისტრაციულ სამართალდარღვევათა კოდექსის 166-ე და 173-ე მუხლების საფუძველზე ადმინისტრაციული წესით [დაკავებულია 13 პირი](#). აღსანიშნავია, რომ აქციაზე შსს-მ დააკავა, არა, მხოლოდ, აქციის მონაწილეები, არამედ, აქციის [ორგანიზატორები](#), კერძოდ, გარემოს დაცვის სამინისტროსთან აქციაზე დაკავებულია ვარლამ გოლეთიანი, ასევე, ნუგზარ გოდოლაძე და გელა ქეთელაური. ადმინისტრაციული წესით დაკავებულ პირთა რიგებში აღმოჩნდა, ასევე, [მედიის წარმომადგენელიც](#). ქერძოდ, დაკავებულია A ჟურნალისტი რატი რატიანი, რომელიც აქციის მიმდინარეობის დროს პროფესიულ საქმიანობას ასრულებდა.

განვითარებული მოვლენები კიდევ ერთხელ ადასტურებს, რომ სახელმწიფო შეკრების თავისუფლებას მომეტებულად ზღუდავს, აღნიშნულს კი იგი ადმინისტრაციულ სამართალდარღვევათა კოდექსის საფუძველზე აკეთებს. სამინისტროსთან მიმდინარე პროტესტის დროს პოლიციელებს უნდა მიეცათ აქციის მონაწილეებისთვის კარვის დადგმის შესაძლებლობა. საქართველოს კანონმდებლობა, საკონსტიტუციო თუ საერთო სასამართლოების პრაქტიკა იცავს [კარვის დადგმის უფლებას](#), როგორც შეკრების თავისუფლებით დაცულ სფეროს. ქერძოდ, დადგენილი [პრაქტიკით](#), „შეკრებებისა და მანიფესტაციების უფლება მოიცავს შეკრების გამართვის ადგილის, დროისა, ფორმისა და შინაარსის არჩევის უფლებას, რაც შესაძლებლად მიიჩნევა დროებითი კონსტრუქციების განთავსების შესაძლებლობას მოცემულ შემთხვევის ირვლივ არსებული გარემოებების, მათ შორის, სამინისტროს ადგილმდებარეობის, არასმუშაო დღისა და დროის, გათვალისწინებით, ბუნდოვანია ის ლეგიტიმური მიზანი, რომელიც გაამართლებდა ძირითად უფლებაში ჩარევას, კერძოდ, აქციის მონაწილეებისთვის კარვის დადგმის უფლების რეალიზების შეზღუდვას, როგორც სამინისტროს ეზოში, ასევე, მის გარეთ, ასევე, აქციის ორგანიზატორების / ჟურნალისტების დაკავებას. საჭაროდ გავრცელებული წყაროების მიხედვით, ასევე, ვერ იქნა დადასტურებული ჩარევის აუცილებლობა, რაც გაამართლებდა შინაგან საქმეთა სამინისტროს წარმომადგენლების ქმედებას, (1) არ მიეცათ აქციის მონაწილეებისთვის კარვის დადგმის უფლება; (2) საპროტესტო აქციის მუხტის სავარაუდო შესუსტების და საზოგადოების ინფორმირებულობის შეზღუდვის მიზნით კი, განეხორციელებინათ აქციის ორგანიზატორების / ჟურნალისტის დაკავება. ქმასთან კავშირში, აღსანიშნავია, რომ ქამოხატვის თავისუფლებისთვის მსუსხავი ეფექტის მქონეა, და, მედიათავისუფლების ეკოსისტემის გაუარესების კიდევ ერთი მაჩვენებელია აქციების დროს ჟურნალისტების დაკავების მავნე პრაქტიკა. აღნიშნულს ადგილი [2023 წელს](#) უკვე არაერთხელ ჰქონდა. ქედის წარმომადგენლის დაკავება, როდესაც ის ახორციელებს ჟურნალისტურ საქმიანობას, წარმოადგენს ჟურნალისტური საქმიანობის შეგნებული

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



შეფერხების / ხელშეშლის პრაქტიკას და სისხლის სამართლის დანაშაულს.

მოვუწოდებთ შინაგან საქმეთა სამინისტროს:

- დაიცვას საქართველოს კონსტიტუციითა და შეკრებისა და მანიფესტაციების შესახებ კანონით დადგენილი მოთხოვნები; მისცეს აქციის მონაწილეებს კარვის დადგმის და მშვიდობიანი პროტესტის გაგრძელების შესაძლებლობა;
- დაუყოვნებლივ გაათავისუფლდნენ ადმინისტრაციული წესით დაკავებული პირები;
- თავი შეიკავოს მედიის საქმიანობაში უკანონოდ ჩარევისგან და დაუყოვნებლივ გაათავისუფლოს დაკავებული ჟურნალისტი.

სპეციალურ საგამოძიებო სამსახურს:

- დროულად შეისწავლოს მედიის წარმომადგენლების პროფესიულ საქმიანობაში უკანონოდ ხელის შეშლის ფაქტები და მოახდინოს შესაბამისი რეაგირება.